

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და
სოციალური დაცვის მინისტრის, საქართველოს ეკონომიკისა და მდგრადი განვითარების
მინისტრისა და საქართველოს გარემოს დაცვისა და სოფლის მეურნეობის მინისტრის
ერთობლივი

ბრძანება №01-39/ნ / №1-1/165 / №2-529

2021 წლის 23 აპრილი

ქ. თბილისი

იმ მეწარმე სუბიექტების ან/და საქმიანობების განსაზღვრის შესახებ, რომლებზეც არ გავრცელდება
„უქმე დღეების განსაზღვრის შესახებ“ საქართველოს მთავრობის 2021 წლის 16 აპრილის №175
დადგენილება და რომელთა უწყვეტი ფუნქციონირება მნიშვნელოვანია ეპიდემიოლოგიური
სიტუაციის მართვის, სახელმწიფო ხელისუფლების განხორციელებისა და საზოგადოების ნორმალური
ფუნქციონირებისათვის

„იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23
მაისის №322 დადგენილებით დამტკიცებული „იზოლაციისა და კარანტინის წესების“ მე-6 მუხლის მე-
11 პუნქტის საფუძველზე, ვბრძანებთ:

მუხლი 1

დამტკიცდეს მეწარმე სუბიექტები ან/და საქმიანობები, რომლებზეც არ გავრცელდება უქმე დღეების
განსაზღვრის შესახებ“ საქართველოს მთავრობის 2021 წლის 16 აპრილის №175 დადგენილება და
რომელთა უწყვეტი ფუნქციონირება მნიშვნელოვანია ეპიდემიოლოგიური სიტუაციის მართვის,
სახელმწიფო ხელისუფლების განხორციელებისა და საზოგადოების ნორმალური
ფუნქციონირებისათვის (თანდართული დანართის შესაბამისად).

მუხლი 2

ბრძანება ამოქმედდეს გამოქვეყნებისთანავე.

საქართველოს ოკუპირებული
ტერიტორიებიდან დევნილთა,
შრომის, ჯანმრთელობისა და
სოციალური დაცვის მინისტრი
საქართველოს ეკონომიკისა და
მდგრადი განვითარების მინისტრი
საქართველოს გარემოს დაცვისა და
სოფლის მეურნეობის მინისტრი

ეკატერინე ტიკარაძე

ნათელა თურნავა

ლევან დავითაშვილი

მეწარმე სუბიექტები ან/და საქმიანობები, რომლებზეც არ გავრცელდება „უქმე დღეების განსაზღვრის
შესახებ“ საქართველოს მთავრობის 2021 წლის 16 აპრილის №175 დადგენილება და რომელთა უწყვეტი
ფუნქციონირება მნიშვნელოვანია ეპიდემიოლოგიური სიტუაციის მართვის, სახელმწიფო
ხელისუფლების განხორციელებისა და საზოგადოების ნორმალური ფუნქციონირებისათვის

1. პირველადი ჯანდაცვის და სტაციონარული სამედიცინო საქმიანობის მიმწოდებელი
დაწესებულებები.

2. ის სამედიცინო საქმიანობის მიმწოდებლები, რომლებიც ახორციელებენ Covid-19 მართვის
ლონისძიებებს, მათ შორის პრევენციას, დიაგნოსტიკისა და მკურნალობას, დაფინანსების წყაროს
მიუხედავად.

3. ფარმაცევტული საქმიანობა.



4. 24-საათიანი ზრუნვის სპეციალიზებული დაწესებულებები და „სოციალური რეაბილიტაციისა და ბავშვზე ზრუნვის სახელმწიფო პროგრამის“ „მიუსაფარ ბავშვთა თავშესაფრით უზრუნველყოფის ქვეპროგრამის“ მობილური ჯგუფები.
5. სურსათის/ცხოველის საკვების წარმოება, დისტრიბუცია, რეალიზაცია.
6. საავტომობილო სატვირთო გადაზიდვები.
7. სარკინიგზო და საჰაერო გადაზიდვა-გადაყვანა.
8. სანავსადგურე, სააეროპორტო და სანავიგაციო მომსახურება.
9. საფოსტო და საკურიერო მომსახურება.
10. წყალმომარაგების საქმიანობა, ელექტროენერგიის გენერაცია, ელექტროენერგიისა და გაზის გადაცემა, განაწილება, მიწოდება და ვაჭრობა. ასევე, ნავთობისა და გაზის მოპოვების ოპერაციები.
11. პირების სავალდებულო კარანტინში განთავსებასთან, ტრანსპორტირებასთან, კვებასთან, დასუფთავებასთან, უსაფრთხოებასა და საკარანტინო პერიოდში სათანადო პირობების შექმნასთან დაკავშირებულ მომსახურებებზე პასუხისმგებელი საჯარო და კერძო სამართლის იურიდიული პირები და ფიზიკური პირები.
12. სამაშველო საქმიანობა.
13. ჟანგბადის წარმოება-მიწოდებასთან დაკავშირებული საქმიანობები.
14. უწყვეტი ტექნოლოგიური ციკლის მქონე საწარმოები (საწარმოები, სადაც ტექნოლოგიური ხასიათიდან გამომდინარე შეუძლებელია საქმიანობის შეჩერება).
15. დაკრძალვასთან დაკავშირებული საქმიანობები.
16. მეტალურგია, სამთომოპოვებითი მრეწველობა, წიაღის გამდიდრების სამუშაოები, ასევე აღნიშნული სამუშაოების სრულყოფილად და უსაფრთხოდ განხორციელებისათვის საჭირო სხვა აუცილებელი საქმიანობები.

